

ادبیات عمومی و سیاسی

هفته‌لقی سیاسی، ادبی و علمی غزته‌در.

جلد : ۱

سنه : ۱ ۲۷ صفر ۱۳۳۵ جمعه ايرتسی ۱۰ كانون اول ۱۳۳۲ نومرو ۸

[صدر ایسویه راعیانه رئیس سابقی سعید پاشا مرهونک،
اک کوزل و اک مکمل سفارتنامه من اولاده غالب پاشا مخطومه منه مقومه
طرزنامه رشاد فتواری بک افندی به خطاباً یازمه اولد قلمری غیر منتشر
مکتوبی آتی به درج ایسیریز. بوکونه قدر غیر مطبوع اولاده او کویجک
سفارتنامه نکه ده کلامک نسخه مزده باشه یا جفنی بشیر ایریز.]

اجناد سموثراد لرندن صالح ملا علیه رحمة الملك الاعلانک ترجمه حالی استنساخ اولمغله نسخه
اصلیه اعاده قلندی . خاندان کرامیلرینک اعظم اعضاسنه متعلق بر اثر ذی عبرتله مخلصلرینی وایه مند
وقوف بیوردقلرینه نه قدر تشکر اولسه آزدر . بوراده مناسبتی یوق اما هر مضمیری اظهاره مساعد
وسائل و ازمنه ذاتاً هرکسه میسر اولدیغنی دوشنه رک و لهندا وجه تعلق ارامیه رق بر شی دها
یازه جنم : بوندن اون آلتی سنه اول احسان ایتدیکنز سفارتنامه غالبی حالا اعاده ایده مدم .
معلومدرکه دول علیه اورویا جمعیت دولیه سنه دخولدن مقدم دول غربیه دن بعضیلری نزدینه
وقتاً بوقه سفرای فوق العاده کوندرمشدرکه بونلر اون سکنز ذاتدر و اون دردی سفارتنامه نامیه
مخطوره لر یازمشدردر. اک مدققاته یازیلن سفارتنامه ایسه غالب پاشانککیدر . یازق که ناقص قاشدر .
مشارالیه کرچکدن دیپلومات و اصول تدبیر مملکتده ماهر ، بناء علیه نزد دواتده موقر امش ؛
حتی سلطان سلیم ثالث بر کون باب عالی به کلیر ، بعض مصالح مهمه خارجه مذاکره سندن صکره
اولوقت امدجی یولنان بو غالب افندی بی وسعت اقتدارینه بناء سفارت فوق العاده ایله پارسه مأمور

حیوانلری ، حجار بازارلریمی ؟ رومن اولادلری ایلری ! یوسروغکز وارمی ، جسارتکز وارمی ؟
 مملکتیزی بیانی اولردن تمیزله مک ایچون ایلری ! بتم ایله برلکده کلیکز . هرکیمک سلاحی وارسه
 ایچنه یدی قورشون دولدورسون . هرکیمک بالطه سی وارسه کونشده پارلداتسون . « دینیور .
 برقهیرمانه اتخاف ایدیلن برشرقیده برکنج قیز وطنداشلیزینه شویله خطاب ایدیور : « المده نه سلاح
 ونه طوپوز ، نه بالطه ونه بر آلت وار . فقط آغزمنده دشمنلری ایصیرمغه کافی دیشلم وار . اللرمده
 ایجه وکسکین طیرناقلرم وار . بونلرله دشمنلر حزی مملکتلرینه قوغونجه به قدر طیرمالایه جغم ، پارچه لایه جغم .
 دیگر برشرقیده شو مآلده در : « ایکی سوکود آغاجی آلتنده بولنان برقایناده ایکی حجار اولدوردم .
 بو اولدوردو کلرم آره سنده سنه لردن بری بکا عاشقانه باقان بر حجار قیزی واردی .
 بو شرقیلر رومنلرک حسیات و اخلاقی بر درجه به قدر بزه تنویر و ایضاح ایدر .
 — مابعدی کلجک نسخه به —

اسماعیل صبحی

کوستا و لو بونک آتارندن :

تکامل خلأق قوانین روحیه سی

اشخاص و عروق آره سنده کی تفاوت متزاید — بر عرقک سویه سی نه قدر
 بو کسک ایسه افرادی آره سنده کی
 فرق و تفاوتده او درجه بیوکدر . عروق عالیده حس اولنان بو فرق ، عروق سائره افرادی
 آره سنده هیچ کبدر . ترقیات مدنیه سایه سنده عروق عالیه بیننده تظاهر ایدن فرقلر کتدکجه
 کسب وسعت ایتکده در . دها ایلرویه کیدرک دیرزکه بو تفاوت ، یالکیز عروق آره سنده دکل ،
 بر عرقه منسوب افراد بیننده دخی عینی اساسه تبعاً زیاده لشیور . شو حالده مدنیتدن تحصیل ایدن
 نتایجدن بری ده : فردیتلری فکراً و عرفاناً مساواته مظهر ایتک دکل ؛ بالعکس آنلری یکدیگرندن
 اوزاقلاشدیرمق اولشدر . مدنیت ، بر طرفدن بر درجه عرفانه ارتقا ایدن عروقه ، هرکون متزاید
 بر صورتده تحمیل ایتدیکی مجبوریته سعی ایله ، انلری یکدیگرندن اوزاقلاشدیرییور ؛ دیگر طرفدن
 مدنی بر عرقک طبقات مختلفه سنی ده بو قاعده به تابع قیله رق آره ده کی فرقلری زیاده لشدیرییور .
 فی الحقیقه یوز سنه مقدم بر عمله ، عادتا صنعتک بتون غوامضنه واقف بر استاد ایدی . بو کون
 ایسه عمله ، انجق صنعتک پک اوفق و محدود بر قسمنه حصر غیرت و حیات ایتکده اولدیغندن ،
 قوه محاکمه سنی استعمال ایده میور و بو صورتله ذهنی ایشلمکدن محروم قالیور . بو حال ، ملکات
 فراستی عطلاته محکوم ایتکده در . دیگر طرفدن ، کشفیات ورقابتک بی امان تأثیرات تضییقه سی
 آلتنده حرکت ایتکده مجبور اولان مهندس لر ، ارباب فن و سائره ، بر جوق معلومات
 فنیه ایله تزیین ذات ایتدکجه ساحه فعالیتده تأمین موفقیت غیر قابلدر . حالبوکه
 یوز سنه اول بو اضطرار ، حس اولنماز درجه ده خفیف ایدی . بو مجبوریتلر ایچنده بولندقلری ایچون ،

ارباب فن و صنعتك دماغلری ، قاعدهٔ تكامله تبعاً بر جوق ملكات اكتساب ایدهرك یوكلیور . بوتك نتیجه سی اوله رق ، عمله ایله ارباب فن و صنعت آره سنده آچیلان حفرهٔ تفاوتك كتدکجه وسعت پیدا ایتدیکنه شاهد اولیورز . عرقلرك مختلف طبقاتی آره سنده بر مقایسه یا پیلیرسه کور بلور که متنوع عرقلرك طبقات متوسطه سی آره سنده سویهٔ فکریه نقطهٔ نظرندن موجود اولان فرقلر او درجه اهمیت حائر دکلدنر . حالبوکه عرقلرك طبقات عالیه سنده تامیله بو اساسه مخالف بر وضعیت مشهوددر . مختلف عرقلرك طبقات عالیه سی آره سنده موجب حیرت فرقلر تظاهر ایتدیکی جهته بر قاعدهٔ اساسیه اوله رق دییه بیلیرز که اقوام جهانك ، طبقات عالیه لری ایله یکدیگرندن نه درجه یه قدر فرقلی اولدقلری نی و بناءً علیه بینلرنده کی تفاوتك ماهیت حقیقیه سی انجق بو طبقه لرك سویهٔ فکریه لری سایه سنده اثبات ایله کلری نی ادعا اتمك طوغریدر .

بر قومك ، سویهٔ فکریه نقطهٔ نظرندن توصیف شخصیتنه کیریشلیرسه اعتراف ایتلیدر که او قومك جهه سی ، طبقات متوسطه و یا عادیه سی ؛ اعضای مهمهٔ فعالیتی ایسه طبقات عالیه سی تشکیل ایدیور . بر وجوده ، دماغ نصل لازم ایسه ، بر قوم انچون ده صنف متفکر و منورك موجودی او درجه ده ضروریدر . ساحهٔ مدنیتده هر قومك درجهٔ قابلیت ، انجق بو طبقهٔ عالیه نك سویهٔ عرفانیله اولچوله بیلیر . بو طبقه نی احما ایتدیکز : او قوم ، باشی کسدهش بر جسد بی روحه بکزدنر . بناءً علیه هر قومك ، تاریخ ادوار اعمده مدار فخر و مباهااتی ، انجق طبقات عالیه سنك آثار و متروکاتیدر . تاریخ بو کامتنع بر دلیلدر .

مدنیت ترقی ایتدیجه ، بر قومك طبقات عالیه سی ایله طبقات سفلیه و عادیه سی آره سنده کی فرق و مباینت ، بر نسبت خارق العاده الهه آرتقددر . فقط شوراسنی نظر دفته آلقی لازمدر که بو فرق و مباینت ، انجق ذکاده متظاهردر . سجهٔ قومیه و ملیه ده ایسه فرق ، حسن اولنماز درجه ده در . حالبوکه حیات اقوانده اک زیاده مؤثر اولان عامل ، ذکا دکل ، سجهٔ قومیه در .

اقوام ، بو کونکی تشکیلات و تنظیمات سایه سنده طبقات سفلیه و عادیه لری نه ویردکاری شکل مراتب و مهیکل ایله ، غریب بر وضعیت احداث ایتلیدر : بو طبقات اجتماعی ، بیوک بر قوت صاحبی اولدقلرندن قورقارز که بر کون ، طبقات منوره و متفکره یه قارشو بسله دکاری غیظ و عداوتدن طولایی بر جوق تحولات و انقلابات متوالیه و متابعه ایله بونلرك حیات هستیلرینه بیوک ضربه لر ایندیرلسون .

بر قومك طبقات عادیه و عالیه سی آره سنده کی تفاوتك بر نسبت هندسیه ایله تزیاید ایتسنه مانع اولان عواملک اک مهمی ده قانون وراثتدر . ارث ، طبقات عالیه نك فکراً و عرفاناً طبقات عادیه دن اوزا قلاشملرینه بسبتون دکل ، فقط وادیء تفوقده پک چابوق قطع مراحل ایتلرینه بر مانع تشکیل ایدر . چونکه افرادی ، افراط و تفریطدن حد وسطه طوغری سوق اتمك ، قوانین ارثیه نك خواص ممتازه سننددر . اعصارك تعاقبی ایله ، بر عرقه مفسوب فردیتلر ، فکر و عرفان نقطهٔ نظرندن نه قدر یکدیگرندن فرقلی اولسه لرده ، سجهٔ اعتباریله « وسطی برانموذج » ک شخصیتنه طوغری تمایل کوستریرلر و اکا تشابه یولنی طوتارلر . بر ملتک اعضاسی ، اکثریت اعتباریله ، پک یواشی بوکسلن بو « وسطی انموذج » ه منسوبدر . بومرکز اساسی ، کرچه بعض یوکسک فکری عناصرك وجودیله فیضدار اولیور ایسه ده عناصر مذکوره نك مدنیت اعتباریله بیوک اولان تأثیراتی ، عرق نقطهٔ نظرندن هیچ مشابه سنده در .

عروق تاریخیه نك تشكلاتی — زمانه زده ، اصلاری مختلف فردیتلردن مرکب عرقلردن

که بونلره تاریخی عنوانی ویریورز - بشقه درلو کتله لره تصادف ایدیه میور . بو عرقلر نه صورت و شرائط ایله بر کل تشکینه موفق اولدیلر ؟ ایشته حل اولنمسی لازم اولان مسئله بودر . اساسه کیربشمه دن اول شوراسنی بیان ایدلم که : تصادفک اثری ایله بریره کلن عناصر اقوام ، بزوحدت کوستره جک درجه ده قولای قولای متجانس بر شکل آله مازلر . انکاتره نك حاکمیت و تابعیتی آلتنده بولنان ایرالاندایلر ، اصل انکایزلر ایله بزوحدت تشکیل ایدمه یه رک هر نقطه نظر دن آیری بر عرق حالنده بولنیورلر . آوسترالیا کی اقوام عادیه به کانیجه : بونلر ، عروق عالیه ایله بریرده بولندقلری تقدیرده بیله قطعیا انلر ایله برلشهرک بر کل واحد تشکیل ایدمه مزلر .

عرقلرک ، برلشهرک اولدجه متجانس یکی بر عرق تشکیل ایدمه بیلملری اوچ شرطه معلقدر : اولاً - مناسبات نسلیه تأسیس ایدمه جک اولان ایکی عرق اره سنده کی نسبت عددییه متفاوت اولماق لازمدر . بونلرک اهمیت فوق العاده سی واردر . عرق ایضه منسوب قلیل المقدار بر کتله یی زنجیلر مملکتنه کتیریکز : بر قاچ نسل سوکره او کتله نك تمامیه منقرض و نابود اولدیغی ، ویتشن احفادک قائنده اجدادندن هیچ بر اثر قالدیغی کوریلور ، حس اولنور .

ثانیاً — بو مناسبات نسلیه یی تأسیس ایدمه جک اولان ایکی عرق ، سجه اعتباریله پک زیاده فرقلی اولمالیدر . بر بیاض ایله بر زنجی قادینک محصول اجماعی هر حالده ابویندن پک دون بر ماهیت سجویه اراهه ایدر . بونک اسباب و مؤثراتی قولایلقه ا کلاشیلر . متبان اخلاق و سجه صاحی ابوینک محصولی اولان اولاد ، هر حالده تمامیه نه پدرینه نه والده سنه بکزه من ، کندینه مخصوص و تعریف و ایضاحی مشکل بر سجه یی حائر در . بره زیلیا بو نظریه نك اثباتی ایچون پک مکمل بر مثال اولابیلیر . اهالینک بر ثانی بیاض آدملردن و متباقیسی زنجی و ملزدن مرکب اولان بو مملکتک اولادی ، آباء و اجدادینک سجایاسنه تمامیه توارث ایدمه مدکلری جهته غریب و دائماً مائل شورش و اختلال بر ذهنیت اخلاقیه اراهه ایتکده درلر . بونلرده بیاض ؛ زنجی و هندلینک سجایاسی آثارینی کوسترمه مکده اولدیغی کی فعالیت بدنیه و ذهنیه دخی ضعیف بر حالده بولنمقده در . عروق عالییه منسوب و آره لرنده اولدجه مناسبت سجویه و قومیه موجود اولان قومشو مملکت افرادینک اختلاطندن حاصل اولان عرق جدید ، مدنیت ایچون فائده آور بر عنصر اوله بیلیر فقط بو عرق جدید ، آره لرنده تفاوت عمیق بولنان عروق عالییه نك ویا بر عرق عالی ایله بر عرق عادییه منسوب افرادک اختلاطندن متولد ایسه ، بالعکس بر عنصر تردی اولور .

ثالثاً — اختلاط نسلی یی تأسیس ایدمه جک اولان عرقلر ، مدت مدیده عینی شرائط محیطیه یه تابع اولیق لازمدر . فی الحقیقه ایکی قومه منسوب افرادک برلشمسینه هر ایکی طرفک نیه فکریه و جسمانیه لرینه بیوک بر تبدل طاری اولور . بو اختلاط ، زمانک تعاقبی ایله ، یکی سجایایی حائر بر عرق جدیدی تولید ایدر . عرقک بدایت تشکله بو یکی سجه لر ضعیف و غیر معین اولدیغندن ؛ امر تبیت و تعینلری ؛ همه حال حوله موروثاتک تزیاید و تکاثفنه وابسته در . ایشته بر قاچ عصر دن سوکره ؛ سجه ثابت و معین بر حال اکتساب ایتدیکی زماندن اعتباراً در که تاریخی بر عرق تأسیس ایتمش فرض اولنور . محیطک تأثیراتی ؛ تشکل ایتک اوزره بولنان عرقلرده بیوک ؛ عروق قدیمه اوزرینه ایسه حس اولنیه جق قدر آزددر .

اوروپائی عرقلرک همان اکثریسی هنوز تأسیس حالنده در . انکایزلر بر مستثنی تشکیل ایدیورلر . انکایز عرقی ، تماماً سجه سی تقرر ایتمش بر کتله در .


بر عرق تماماً ماہیت معینہ سنی اکتساب ایتدیکجہ ، افرادینک کافہ سنہ موافق وانلری خشنود ایدہ جک تأسیساتی بولوب تطبیق ایتک پک مشکادر . افراد ارہ سندنہ کی مبانیت پک بارز بولندجہ ، عینی تأسیسات وقوانین آلتندہ بونلری جمع ایتک ، محال قیلندندر ؛ یالکز انکیز و هولاندایلر بوقاعدہ یہ مخالف اولہرق بعض مرتبہ موفقیتلر کوسترمشر ، وزیر ادارہ لرینہ آلدقلمری اقوام مختلفہ ومتباینہ بی، جہالت ایچندہ بولندیرمق و فنا عادات و اخلاق لرینہ رعایت وعاداتا انلری باشی بوش نیم مستقل برحالہ ادارہ ایتک صورتیہ ، انلرک اوزرینہ عمدید حا کیتی تأمین ایدہ بیلمشلردر .

بر ملت ، تأسس و اساسات حیاتی توثیق ایدہ بیللمک ایچون ، مطلقا ارہ لرندہ پک بیوک مبانیتلر ارانہ ایتین ، عینی حوالیدہ سا کن ، عینی محیطانک تأثیراتہ ، عینی تأسیساتہ و ممکن ایسہ عینی معتقداتہ و مہادی و تدریجی اختلاطاتہ تابع عناصردن تشکل و ترکب ایتمش بولنمق لازمدر . مسرودات واقعہ یہ کورہ اورویا عرقلمری ، یواش یواش ثابت برحال و وضعیت اکتساب ایتکدہ اولدیغندن اختلاطات سایہ سندنہ بونلرک تبدل شخصیتلری کیتدیکجہ کوچشمکدہ در . انسانیت ، قاعدہ توارنک بارقیلینی پی در پی دہا زیادہ حس ایدیور .

نتیجہ مقال اولہرق دیہ بیلیرزکہ عروق تاریخیہ نک دورہ تشکلی قریباً ختام بولمق اوزرہ در .

دعوی و کیلی کریدی

اعمر مانی



[۱ - ۷ کانون اول ۳۳۲]

بوہفتہ عموم جیبہ لردہ جریان ایدہ ن محاربات ، افکار عمومیہ بی شدتله اشغال ایدہ جک کورولتولی وقایع دکلدر . یالکز رومانیا جیبہ سی استئنا ایدیلیرسہ ، دیگر عموم جیبہ لردہ ہان ہیچ برشی اولمادی دینہ بیایر . حالبوکہ رومانیا جیبہ سندنہ (بکرش) و (پلوشتی) شہر لریلہ (پراہووا) وادیسنی ترک ایدہ رک رجعتہ قویولان دشمنک تعقیبندن باشقہ وقایع حربیہ دہ ولولہ دار یکی برشی بوقدر . غرب صحنہ حربندہ ، برقاق ہفتہ مقدمتدن بری تخمین ایتکدہ اولدیغمز وجہاہ ، (صوم - آنقر) تعرضی عقیم قالدی ونہایت بولدی . صوک کلن ، موثوق خبرلرہ مستند حساباتہ کورہ افرنجی ۱ آموزدن تشرین ٹانینک صوکنہ ندر صوم - آنقر تعرضندہ انکیزلر لاقلا ۵۰۰ بیک ، فرانسلر دہ اقلی ۳۰۰ بیک کشی ضایعات ویرمشلردر . بو ۸۰۰ بیک قربانہ مقابل الہ ایدیلن برقاق یوز کیلو مترولق اراضی و بوش اون قریہ نک ، - رسملرندہ کوردیکمز وجہاہ - حتی اولجہ قریہ اولدقلمری بلالی اولامایہ جتی درجہ دہ خراب انقادی نہ الیم بر نتیجہ در! ایشتہ کرک بو الیم نتیجہ و کرک رومن دارال حربندہ ، - ہنوز ایتلاخیلرک لایقیہ مدح و شناسنہ وقت بولامادن یوزدہ یتشی دیار محو و عمدہ کیدہ ن رومن اوردوسنک ہزیمتی ، بکرش سقوطی آسکیت قایینہ سیاہ بر لکدہ فرانسلر باش قوماندانی (ژوفر) ی دہ دوشوردی . حقلی ویا حقسر ، (مارن) محاربہ سیاہ آلمان سیل استیلاسنی توقیف ایتدیکی قناعتیہ فرانسلرک دونہ قدر کندیسنہ محبتلری پایدار قالان ژوفر بردن برہ عزل و حکومت نردندہ (مشاور خصوصی حرب) تعیین ایدلی . یرینہ دہ ، اولیہ عمومی باش قوماندانلغہ دکل ، فقط فرانسنہ نک « شمال و شمال غربی جیبہ لری قوماندانلغہ » جنرال (نیول) کتیرلدی . صوم تعرضنک عقامت قطعہ سنہ بوندن باشقہ دلیل ایسٹرسہ کز ، الیوم اورادہ آراصیرا طویجی آتشی وقرہ غول محاربہ سندن باشقہ برشی اولمادیغنی کورورسکیز . سانکہ ، طرفیندن ۱,۲۰۰,۰۰۰ کشی نک قانی آقان مخوف قصاصخانہ اوراسی دکلدر .